

**GWEINIDOGION Y DU SY'N GWEITHREDU MEWN MEYSYDD
DATGANOLEDIG**

**170 - Rheoliadau Amaethyddiaeth (Taliadau) (Diwygiadau etc.)
(Ymadael â'r UE) 2020**

Dyddiad gosod yn Senedd y DU: 5 Hydref 2020

Sifftio

Yn destun sifftio yn Senedd y DU?	Na fydd
Gweithdrefn:	Cadarnhaol drafft
Dyddiad trafod gan Bwyllgor Offerynnau Statudol Ewropeaidd Tŷ'r Cyffredin	Amh
Dyddiad trafod gan Bwyllgor Craffu ar Is-ddeddfwriaeth Tŷ'r Arglwyddi	Amh
Dyddiad y daw'r cyfnod sifftio i ben yn Senedd y DU	Amh
Datganiad ysgrifenedig o dan Reol Sefydlog 30C:	Papur 34
Memorandwm Cydsyniad Offeryn Statudol o dan Reol Sefydlog 30A (oherwydd eu bod yn diwygio deddfwriaeth sylfaenol)	Nid yw'n ofynnol

Gweithdrefn graffu

Canlyniad y broses sifftio	Amh
Gweithdrefn	Cadarnhaol drafft
Dyddiad trafod gan y Cydbwyllgor ar Offerynnau Statudol	Anhysbys
Dyddiad trafod gan Bwyllgor Offerynnau Statudol Tŷ'r Cyffredin	Anhysbys
Dyddiad trafod gan Bwyllgor Craffu ar Is-ddeddfwriaeth Tŷ'r Arglwyddi	Anhysbys

Sylwadau

Bwriedir i'r Rheoliadau hyn gael eu gwneud gan Lywodraeth y DU yn unol ag adran 8(1) ac 8C(1) a pharagraff 21 o Atodlen 7 i Ddeddf yr Undeb Ewropeaidd (Ymadael) 2018 ac adran 6(1) o Ddeddf Taliadau Uniongyrchol i Ffermwyd (Parhad Deddfwriaethol) 2020.

Mae'r Rheoliadau yn diwygio nifer o reoliadau'r UE a deddfwriaeth ddomestig (Rheoliadau Ymadael â'r UE) sy'n berthnasol i Gymru. Mae'r Rheoliadau hefyd yn dirymu pedair o Reoliadau Ymadael â'r UE. Mae'r deddfwriaeth a ddiwygiwyd neu a ddirymwyd wedi'i nodi yn y Datganiad gan Lywodraeth Cymru, a Memorandwm Esboniadol Llywodraeth y DU, ym mharagraffau 2.3 a 2.4.

Diben y Rheoliadau hyn yw cywiro diffygion yng nghyfraith yr UE a ddargedwir sy'n ymwneud â'r Polisi Amaethyddol Cyffredin (PAC). Pe na

bai cyfraith yr UE a ddargedwir sy'n ymwneud â PAC yn cael ei diwygio, byddai'n cynnwys rheolau anweithredol a fyddai'n atal Llywodraeth y DU a'r gweinyddiaethau datganoledig rhag gallu cyflwyno cynlluniau amaethyddol a chynlluniau cymorth i'r farchnad a gaiff eu cynnal ar hyn o bryd o dan y PAC i'r sector amaethyddol ar ôl diwrnod cwblhau'r Cyfnod Gweithredu (IP) ar 31 Rhagfyr 2020.

Mae'r diwygiadau yn angenrheidiol er mwyn ystyried newid yn y sefyllfa ddeddfwriaethol, ers i'r Rheoliadau Ymadael â'r UE gwreiddiol gael eu gwneud yn dilyn y Cytundeb Ymadael a'r Ddeddf Taliadau Uniongyrchol i Ffermwyr (Parhad Deddfwriaethol) 2020 ("y Ddeddf Taliadau Uniongyrchol"). Gwnaed diwygiadau hefyd i Reoliadau'r UE ers i'r Rheoliadau Ymadael â'r UE gael eu gwneud. Gwneir newidiadau nodedig gan y Rheoliadau hyn mewn perthynas â'r canlynol:

1. Taliadau Uniongyrchol. Mae'r Rheoliadau hyn yn gwneud newidiadau i egluro'r sefyllfa o ran Rheoliadau penodol yr UE a gafodd eu hymgorffori mewn cyfraith ddomestig yn weithredol o'r diwrnod ymadael i'r graddau y maent yn ymwneud â thaliadau uniongyrchol ac wedi'u hymgorffori, yn weithredol o ddyddiad Cwblhau'r Cyfnod Gweithredu at y dibenion sy'n weddill. Mae'r Rheoliadau hyn yn diwygio neu'n dirymu nifer o Offerynnau Statudol Ymadael â'r UE cynharach, i adlewyrchu na fydd yr Offerynnau Statudol hynny yn gymwys mewn perthynas â thaliadau uniongyrchol yn dilyn y Cytundeb Ymadael a'r Ddeddf Taliadau Uniongyrchol a'r rheoliadau a wnaed oddi tani.
2. Datblygu Gwledig. Mae'r Rheoliadau hyn yn diwygio Offerynnau Statudol Ymadael â'r UE blaenorol mewn perthynas â datblygu gwledig, a wnaed cyn llofnodi'r Cytundeb Ymadael. Mae angen diweddarau'r rhain i adlewyrchu'r sefyllfa newydd, ac mae nifer fach o welliannau'n cael eu gwneud i sicrhau bod y rheolau ar ddatblygu gwledig yn parhau i weithredu'n effeithiol ar ôl y diwrnod cwblhau'r Cyfnod Gweithredu.
3. Ymyrraeth Gyhoeddus (PI) a Chymorth Storfeydd Preifat (PSA). Mae'r Rheoliadau hyn yn gwneud newidiadau i Offerynnau Statudol Ymadael â'r UE cynharach sy'n gosod y rheolau ar gyfer cynlluniau Ymyrraeth Gyhoeddus a chynlluniau Cymorth Storfeydd Preifat a gaiff eu cynnwys yn y Gyd-drefniadaeth ar gyfer Marchnadoedd Amaethyddol, er mwyn sicrhau y gall awdurdodau perthnasol efelychu'r system bresennol o weinyddu Ymyrraeth Gyhoeddus a Chymorth Storfeydd Preifat mor agos â phosibl ar ôl diwrnod cwblhau'r Cyfnod Gweithredu, i sicrhau nad yw cynhyrchwyr a gweithredwyr yn profi dim newid o ran y ffordd y caiff y cynlluniau eu cynnal.
4. Grwpiau a sefydliadau cynhyrchwyr. Mae'r Rheoliadau hyn yn diwygio cyfraith yr UE a ddargedwir ynghylch grwpiau cynhyrchwyr, sefydliadau cynhyrchwyr, hysbysiadau yn y sectorau ffrwythau a llysiau a

ffrwythau a llysiâu wedi'u prosesu, a hysbysiadau o ran gwybodaeth am y farchnad amaethyddol i awdurdodau domestig.

Mae'r Rheoliadau hyn yn gwneud diwygiadau cyfyngedig i Reoliadau Ymadael â'r UE blaenorol ble bydd Protocol Gogledd Iwerddon yn effeithio ar gyfraith yr UE a ddargedwir, ac yn gwneud diwygiadau i Reoliadau Ymadael â'r UE blaenorol i sicrhau bod asiantaethau sy'n talu y DU yn gallu parhau i gydymffurfio â rheolau'r UE at ddibenion Erthygl 138 o'r Cytundeb Ymadael.

Gwneir nifer fach o fân ddiwygiadau drafftio gan y Rheoliadau hyn i ddiweddarau'r drafftio ac i gywiro gwallau ac anghysonderau mewn Offerynnau Statudol Ymadael â'r UE cynharach, gan gynnwys croesgyfeiriadau a fethwyd a oedd angen eu diwygio, ac amnewid cyfeiriad at bunnoedd sterling â chyfeiriad at yr Ewro.

Mae'r Cynghorwyr Cyfreithiol yn cytuno â'r datganiad a osodwyd gan Lywodraeth Cymru, dyddiedig 7 Hydref 2020, ynghylch effaith y Rheoliadau hyn. Mae posibilrwydd i effaith y swyddogaethau cydamserol a'r swyddogaethau ar y cyd a gynhwysir yn y Rheoliadau hyn gynnwys y gofynion cydsynio yn Atodlen 7B i Ddeddf Llywodraeth Cymru 2006, ac felly maent yn cynrychioli cyfyngiad posibl ar gymhwysedd y Senedd yn y dyfodol. Mae'r Datganiad gan Lywodraeth Cymru yn darparu ei bod yn trafod â Swyddfa Ysgrifennydd Gwladol Cymru mewn perthynas â Gorchymyn adran 109 i ddiwygio Atodlen 7B er mwyn trafod y cyfyngiad posibl ar gymhwysedd y Senedd yn y dyfodol.

Mae'r crynodeb uchod a chynnwys y Memorandwm Esboniadol i'r Rheoliadau hyn yn cadarnhau eu heffaith.

Nid yw'r Cynghorwyr Cyfreithiol o'r farn bod unrhyw faterion arwyddocaol yn codi o dan baragraff 8 o'r Memorandwm ar Fil yr Undeb Ewropeaidd (Ymadael) a Sefydlu Fframweithiau Cyffredin mewn perthynas â'r Rheoliadau hyn.